



## Acta da Asamblea Xeral

19 de Outubro de 2019

**Lugar:** Hotel Santiago Apóstol. Costa de San Marcos Nº1.- Santiago de Compostela  
**Hora:** 19:30 horas en primeira convocatoria sesión extraordinaria  
 20:00 en segunda convocatoria sesión extraordinaria

### Orde do día

- 1- Lectura e aprobación se procede da acta da Asemblea anterior.
- 2- Regulamentos Deportivos
- 3- Calendario de Probas
- 4- Rogos e preguntas

### Asistentes:

Presidente-Gonzalo Mario Triunfo Delgado  
 Secretaria Xeral- Mónica Flores Ferreiro

### ESTAMENTO DE CLUBS

AD Fefeme Triatlón do Miño- (José A Fernández-Delegación)  
 AD Náutico de Narón- Amando Guerrero Gil  
 Club Triatlón Santiago (José Ramón González-Delegación)  
 Artrogal- Tri 498- José Riveiro  
 Cidade de Lugo Fluvial-Adrian Vázquez  
 Club Olímpico de Vedra (Alejo Alvite-Delegación)  
 Triatlón Coruña - Arturo López lago  
 Club Triatlón Mar de Vigo- (Lorena García Lago-Delegación)  
 Nosportlimit -Oscar Silguero  
 Triatlón Ferrol- José Antonio Formoso Pita  
 Triatlón Rias Baixas- Enrique Hernández Moldes  
 Triatlón Vilagarcía Atenas Running (Ramón Valiñas-Delegación)  
 CA Sada-(Pablo Vilas-Delegación)  
 Zalaeta 100 Tolos (Ruth Ballesteros-Delegación)

### ESTAMENTO DEPORTISTAS

Gonzalo Triunfo Delgado\*  
 David Arias Díaz  
 Francisco Javier Iglesias Prado  
 Rubén Negreira Martínez

### ESTAMENTO TÉCNICOS

Ismael García Vázquez  
 Luis Alberto Pina Refojos  
 Francisco Villanueva González (Péntatlon Moderno)

### ESTAMENTO OFICIAIS/XUICES

Mónica Flores Ferreiro\*

Asisten os seguintes membros da Xunta Directiva sen dereito a voto.

Comité Deportivo- Pábulo Cabanelas e Pablo Dosil

Asiste sen voz nin voto, autorizado pola Asemblea Xeral Carlos Coira (T.Vilagarcía)

### *Desenvolvemento da sesión e Acordos Adoptados*

Comeza a sesión en segunda convocatoria ás 20:12 h.

### **1.-Lectura e aprobación da acta da Asemblea anterior**

O presidente indica que a acta foi enviada a todos os membros e salvo que queiran facer algunha anotación se procede á súa votación

Votos a favor- 18  
 Votos en contra- 0  
 Abstencións- 2

## 2.- Liquidación Regulamentos Deportivos

O presidente introduce as propostas de modificación, comezando co Regulamento de Competicións da FEGATRI para a Tempada 2020.

Art. 1.-Incluír Circuito Dúatlon Cros

Votos a favor- 18

Votos en contra- 0

Abstencións- 2

Art. 3.4.-Nova redacción para aclarar o que se viña facendo.

“... O resto de clubs engadirase a continuación por orde de clasificación no circuito da modalidade correspondente. Calquera deportista do club, xa clasificado, poderá puntuar para o mesmo. O resto seguirán o reflectido no artigo 5 do presente regulamento.

Votos a favor- 18

Votos en contra- 0

Abstencións- 2

Art.4.a) – Preséntase xa o número de deportistas clasificados que habería segundo o número de probas de circuito a celebrar.

6 probas de circuito-15 / 5 probas de circuito-18 /4 probas de circuito-22 / 3 probas de circuito-30

Votos a favor- 19

Votos en contra- 0

Abstencións- 1

Art. 5-Incluír a matización de club en lugar de equipo

Votos a favor- 19

Votos en contra- 0

Abstencións- 1

\*\*Incorpóranse Lorena García-CT Mar de Vigo e Luis Piña (20:35 h.)

Art. 6- Proposta de modificación do número máximo de probas do circuito ata 6 en lugar das 5 establecidas a día de hoxe no regulamento.

Francisco Villanueva expón que se debe de debatir sobre o número de posibilidades reais cada circuito e non sobre algo que aínda non se coñece, establecendo en cada momento o número de probas presentadas para cada circuito.

Pablo Cabanelas indica que isto é precisamente porque o número de probas presentadas ao circuito de triatlón de estrada é de 6 e para darlles cabida.

Despois de debatir ao respecto vótase a proposta presentada.

Votos a favor- 19

Votos en contra- 1-Francisco Villanueva

Abstencións- 2

Art. 7-1 Proponse engadir, Outros campionatos galegos, individuais en xeral....

Votos a favor- 19

Votos en contra- 0

Abstencións- 3

Art. 7.2 e 3 Exponse a proposta do AD Fogar de engadir aos campionatos de Acuatlón e Triatlón Cros a categoría Sub23

Votos a favor- 17

Votos en contra- 0

Abstencións- 5



Art. 7.4 Pablo Cabanelas expón a proposta da creación dun circuíto de Dúatlon Cros que foi enviada aos Asembleístas. O circuíto estaría establecido en dúas partes en forma de dous premios ao final e principio da tempada. Preguntan ao respecto do Campionato Galego individual e Pablo Cabanelas indica que si entraría dentro do circuíto tamén, como unha proba máis.

Votos a favor- 17  
Votos en contra- 0  
Abstencións- 5

Vótase de acordo á proposta do AD Fogar incluír no Campionato Galego de Dúatlon Cros coma no Acuatlón e Tríatlon Cros a categoría Sub23.

Aclárase que a proposta só inflúe no Campionato Galego segundo está presentada, non no circuíto.

Votos a favor- 17  
Votos en contra- 0  
Abstencións- 5

Art. 7.6.- Subida de premios do Circuíto NO DRAFT

Votos a favor- 18  
Votos en contra- 0  
Abstencións- 4

Art. 8.6.- Proponse ademais dos campos xa solicitados nas clasificacións engadir a matización, seguindo as necesidades federativas. Infórmase que isto vai depender da App (móvil/web) que se está creando para dar resposta á solicitude de clubs e deportistas de ter un acceso inmediato e continuado aos seus resultados e outra información online.

Votos a favor- 19  
Votos en contra- 0  
Abstencións- 3

#### ANEXO NORMAS DE ORGANIZACIÓN-

Punto 1.- Proponse, debido aos problemas que teñen coa intervención igual que pasa nalgún caso coas inscricións que organismos e entidades públicas, que non poidan formalizar licenza de organizador estean exentas disto sempre que sexan tuteladas pola Federación. Quedaría redactado do seguinte xeito:

“...coa salvedade de probas organizadas directamente por Organismos e Entidades Públicas que por necesidades da súa lexislación interna non poidan formalizar a mesma e sexan tuteladas pola Federación.

Votos a favor- 18  
Votos en contra- 0  
Abstencións- 4

O presidente da a palabra a Pablo Dosil como responsable do Comité Deportivo para que expoña os cambios neste anexo.

Pablo explica que habería uns criterios de mínimos, o motivo é subir o nivel e calidade na organización das probas. Hai 7 criterios de obrigado cumprimento e o resto son puntuables á hora de competitividade entre probas, por exemplo ter inscrición gratuíta daría maior puntuación ou os premios económicos. Explica que tamén se está desenvolvendo unha App para que ao remate da proba os deportistas poidan valorar uns puntos establecidos de cara a ter máis información e poder expoñelo nas próximas concesións. Aportación con probas de menores,...

Estes criterios serán aplicables a partir desta tempada xa que agora as probas están xa presentadas conforme a uns criterios e estes novos en todo caso teñen que ser aprobados

Luis Piña pregunta si estes criterios de obrigado cumprimento son en caso de haber varias probas ou sempre. Pablo Dosil indica que sempre e Luis Piña indica que entón se deben aplicar sempre e non se autorizará calquera que non cumpra algún deles, quere que quede claro isto. Pregunta respecto á cronometraxe se será obrigatorio ter cronometraxe electrónica ao que Pablo Dosil indícalle que non se especifica que teña que ser electrónica.

Francisco Villanueva pregunta o mesmo ao respecto e pide que conste en acta a resposta.

Pablo indica que será primado o tipo de cronometraxe segundo o baremo establecido.

José Antonio Formoso indica que se debe sacar de aquí salvo que sexa electrónico.

Despois de debatir ao respecto de que tipo de cronometraxe acórdase reflectilo do seguinte xeito

“dispoñer dun sistema de edición de resultados que garanta os dereitos dos deportistas ao remate da proba e permita a realización da entrega de premios en tempo e forma”

Luis Piña pregunta se vai poder votar calquera e Pablo concreta que serían os deportistas inscritos e só unha vez, que habería un control.

Francisco Iglesias especifica que debería ser persoa que rematase xa que senon rematou vai ter unha valoración negativa.

Arturo López.- expón que considera oportuno que haxa uns requisitos pero non considera oportuno que se publique, por exemplo as novas probas se ven limitadas debido a que non teñen historial. Considera que o anterior sistema é máis subxectivo e permite valorar fronte a este novo que é moi estrito e innecesario. Expressa que pensa que é máis operativo e xusto que o sistema poida ser subxectivo e aberto e non coma este que restrinxe a liberdade de decisión cun criterio máis amplo.

José Antonio Formoso indica que o sistema é máis xusto desta maneira, xa que todos saben ao que se atañen e na medida en que é obxectivo é máis igual para todos.

Luis Piña pregunta en canto aos vestiarios e canto serían as proximidades, se isto é onde poidas camiñar segundo rematas sen uso de coche, ou cal distancia sería, nas proximidades da proba. Considera que se debe establecer unha distancia exacta.

José Antonio Formoso indica que debe ser unha distancia razoable, que calquera organizador vai buscar o vestiario o máis preto posible, pero por exemplo se fai un dúatlon cros no medio do monte posiblemente teña os vestiarios a 4 km. ou máis no pavillón máis preto.

Oscar Silguero, considera tan interpretativo coma que un vestiario inmediato con duchas frías é peor que un a 3 km con outras condicións. Considera que as probas novas non teñen historial e para entrar novas probas tamén ve moi limitativo este sistema. Considera que se poderían poñer moitos criterios máis, un criterio importante que non aparece aquí o número de inscritos ou outros. Parécelle que cingirse a estes que son subxectivos de quen os puxo non é moi óptimo.

Francisco Iglesias expón que ve os criterios obxectivos para tratar en caso de conflito entre probas na mesma data.

Luis Piña pregunta se isto é só para circuío. Considera que o Cpto Galego debe estar tamén incluído.

Francisco Villanueva engade que todas as probas.

\*\*Abandonou a sala Rubén Negreira

Francisco Iglesias pregunta ao respecto á valoración que control terá a App para enquisa do participante. Pablo Dosil indica que haberá un control, só inscritos e só unha única votación. Pídese que sexa alguén que fora á proba, non só que estivese inscrito.

Unha vez procedido ao debate vótase a proposta cos seguintes cambios

2.- Eliminar circuío, para que sexa para todas as probas.

2.1 - “dispoñer dun sistema de cronometraxe con edición de resultados que garanta os dereitos dos deportistas ao remate da proba e permita a realización da entrega de premios en tempo e forma”

- Dispoñer de vestiarios e duchas obrigatorios

Procédese á votación.

Votos a favor- 15

Votos en contra- 1 Arturo López

Abstencións- 6

\*\*Abandonan a sala Adrián Vázquez, José Ángel Fernández

Punto 4.- Proponse adaptar á normativa nacional a posibilidade de supervisión dos circuíos por un oficial Nivel II ou superior debido ao cambio na formación dende a tempada pasada esta opción.

Votos a favor- 16

Votos en contra- 0

Abstencións- 3

Punto 10.d).- Proponse que o canon sexa para todas as probas oficiais, agora mesmo non se aplica ás de circuío.

Francisco Villanueva indica que isto é porque xa o pagaban a través do dereito de organización no canon.



Procédese á votación.

Votos a favor- 11

Votos en contra- 1 Francisco Villanueva

Abstencións- 7

Punto 11.- Proponse engadir na redacción "...Regulamento Oficial de Competicións da Federación Nacional"

Votos a favor- 18

Votos en contra- 0

Abstencións- 1

\*\*Incorpóranse á sala Adrián Vázquez e, José Angel Fernández

José Antonio Formoso, pide a palabra para expoñer en referencia ao artigo 2, de cara a facer un estudo. Explica que entra en contradición co Art. 3 do Estatuto de Autonomía onde esixe veciñanza e ser español. Nos estatutos FEGATRI Art. 15, indica que para ter licenza hai que ser español. Pide que os Servizos Xurídicos revisen isto xa que debemos ser das poucas federacións que alguén non español pode ser campión galego.

O presidente indica que si se comentara xa noutra ocasión, se revisará e se fará o oportuno cambio de estatutos ou matización máis definida ao respecto.

Pablo Dosil indica que se revise o establecido pola Secretaría Xeral para o Deporte de cara a ir nesa liña.

\* Punto 3.4.- Francisco Iglesias indica que queda pendente unha proposta do AD Fogar. Esta era referida ao punto 3.4 do Regulamento e non foi tratada no seu momento.

" 3.4 ...De todos eles soamente un poderá ser non nado en Galicia ou ben non estar empadroadado nun concello galego con antigüidade mínima de xaneiro da tempada anterior.

\*O documento do padrón debe estar na Federación antes do remate da inscrición."

O AD Fogar plantea igualar a norma á da FEGATRI?, non considera lóxico que estes deportistas non poidan optar ao podio galego individual e si ao podio galego por equipos xa que considera desvirtúan a competición.

Mónica Flores expón que contradí o que acabamos de aprobar no punto 3.4 anteriormente.

Amando indica que considera está errado e queren dicir de acordo á regulamentación FETRI, debido a que se deu o caso en Pontevedra, con Arteixo que puntuaron con estranxeiros.

Francisco Javier Iglesias considera que estamos obrigados a votala por ser presentada en tempo e forma.

Procédese á súa votación.

Votos a favor- 2 (Ismael González e Olímpico de Vedra)

Votos en contra- 5

Abstencións- 13

#### REGULAMENTO TRIATLON DE MENORES 2020

5.- Sistema de Competición.- Proponse ampliar a 5 probas para dar cabida ás presentadas en calendario.

Francisco Villanueva considera que o número de probas se debe poñer en base ás propostas, tendo en conta a dispersidade xeográfica que as probas estean espalladas polo país. Valoracións que non implican poñer, 3, 5,8... haberá que poñer as que sexan en base a algo. Non ve porque cambiamos o número sen unha base cuantitativa e cualificativa ao respecto.

Pablo Cabanelas responde que se recibiron 5 probas de circuíto ademais dun campionato galego e as considera aceptablemente repartidas e considera que en triatlón de menores cantas mellor.

Lorena matiza que hai 4 na provincia de A Coruña, 1 en Ourense e 1 en Pontevedra.

Luis Piña pregunta se o circuíto de menores o calendario deste ano son cinco probas ou que a partir de agora serían 5 probas no circuíto.

O presidente indica que nesta tempada e procédese á votación

Votos a favor- 18

Votos en contra- 0

Abstencións- 3

Francisco Villanueva indica que el non vota e non se abstén. Se ben se lle indica que a non votación se considera abstención.

-Clasificación do campionato Galego

Proponse cambiar puntuando por valorando na clasificación final do circuíto, xa que detectamos que ao dar dobre puntuación á final que as clasificatorias non se está primando senon ao revés. Debería si se quere valorar dobre deberíamos dar a metade de puntos á final se o que quereamos é primala.

Votos a favor-  
Votos en contra- 0  
Abstencións- 2

Propónse engadir criterio de desempate igual ao que hai para o Campionato Galego xa que non figuraba ningún.

-En caso de empate, vencerá o que máis primeiros postos acadara. De persistir o empate vencerá o que máis segundos postos acadara, máis terceiros,...

Francisco Villanueva indica que non son criterios suficientes para desfacer o empate polo que se pide formulen unha proposta para votar xa que non se recibiu ningunha.

-Francisco Villanueva indica que unha proba debe puntuar máis. Pode haber os mesmos primeiros, segundos,... xa que ninguén obriga a ir a todas as probas. Considera que debe desempatar a última proba e non outra.

Ruth Ballesteros indica que Final Galega e Campionato Galego son equivalentes sempre porque da confusión xa que a Final Galega ao non precisar clasificación debería por Campionato Galego.

Pablo Cabanelas indica que se poñemos cinco probas no circuito ou reformulamos ou se engadimos o Campionato Galego deberíamos poñer 6.

Procédese a votar cambiar o nome Final Galega por Campionato Galego.

Votos a favor- 0  
Votos en contra- 0  
Abstencións- 21

Procédese a votar sacar o Campionato Galego do circuito.

Votos a favor- 20  
Votos en contra- 0  
Abstencións- 1

Procédese a votar como terceiro punto de desempate o posto na última proba.

Votos a favor- 21  
Votos en contra- 0  
Abstencións- 0

Indícase aos efectos de non participar ningún dos empatados/as posición na última, penúltima do circuito na que algún deles ou os dous participen.

#### NADA E CORRE 2020

Proposta do AD Fogar de ampliar as zonas a 3.

Gonzalo expón que non especifican a proposta de reparto de zonas.

David Arias considera que están moi masificadas, hai moitos nenos e poucas probas. É complicado que os nenos se clasifiquen.

Expónse que o nada e corre naceu como unha actividade dos clubs, de promoción e non competitiva, para dar oportunidade aos nenos de participar en natación en inverno xa que non había triatlón, pero a día de hoxe é totalmente competitivo.

Ruth Ballesteros considera que se houbese máis zonas establecidas si habería máis organizadores, non é o mesmo preparar a proba para 60 que para o número que se move.

Adrián Vázquez propón agardar ás conclusións dos responsables de menores deste fin de semana e levalo á Comisión Delegada.

Francisco Villanueva considera que non son os mesmos que teñen voto na Asemblea, parécelle ben ter en conta a súa opinión pero para o futuro, neste momento non delega o seu voto. Pregunta cando estarán definidas as zonas.

O presidente explica que agora mesmo temos dúas probas da zona norte e a final galega solicitadas.

Ismael García indica que estas probas non requiren permisos de tráfico nin semellante, polo que se poden engadir coma outros anos probas ata xaneiro ou máis adiante aprobadas por Comisión Delegada.

Francisco Villanueva considera que nun tempo razoable marcado de 15 días, 20 días se promova dende a Xunta Directiva que se consigan máis probas para dar participación a zonas que teñen máis fichas e que agora non se ven reflectidas aquí nas peticións.

O presidente indícalle que por suposto se está traballando nesa liña especialmente na zona sur xa que a zona norte polo momento aínda que poden incorporarse máis está cuberta-

Habería que buscar mínimo dúas probas na zona sur a poder ser antes da final de Riveira pero tendo en conta posibilidade de movemento.



Francisco Villanueva indica que se non hai probas na zona sur, estes rapaces ou non participan ou terían que ir á outra zona. Pide que conste en acta a aclaración.

Mónica Flores expón a falta de viabilidade para o organizador de que todos vaian a dúas probas e lembra que se acaba de aprobar previamente por votación dos presentes un regulamento no que hai dúas zonas distribuídas dun determinado xeito. En todo caso indícase que a Xunta Directiva está buscando opcións.

Procédese á votación do Calendario das probas presentadas.

Votos a favor- 21

Votos en contra- 0

Abstencións- 0

#### REGULAMENTO COMITÉ GALEGO DE XUÍCES E OFICIAIS

O Presidente pregunta se alguén ten preguntas ao respecto e non habendo procédese á votación.

Procédese á votación da proposta actual do AD Fogar de facer tres zonas non definidas na proposta.

Votos a favor- 16

Votos en contra- 0

Abstencións- 5

#### REGULAMENTO CIRCUÍTO GALEGO NO DRAFT

O presidente expón os premios aumentados 500/300/200 euros

Luis Piña indica que poñía que se xuntaba pero que non lle chegou.

Votos a favor- 17

Votos en contra- 0

Abstencións- 3

Francisco Villanueva indica que el non vota. Non quere que se considere abstención, non vota porque non ten argumentos nin datos obxectivos previamente para poder votar esta proposta. Así consta en acta á súa petición.

### 3.- CALENDARIO

#### Dúatlon Escolar.

Acórdase falar coa organización do Dúatlon Escolar de Marín para tentar cambiar o Cpto Galego ao 16 de maio, primeira data presentada.

A Xunta Directiva comprométese a falar coa Delegación de Lugo para ver posibilidades de 3 clasificatorias e a final. Fefeme indica que senon non ten problema e retira Vilalba.

Infórmase de dúas modificacións nas probas de menores presentadas polo AD Fogar de Carballo, no día de hoxe foron enviadas á mañá debido á coincidencia previa con Ctos de España que afectaban directamente a menores.

Nada e corre 16 febreiro

Dúatlon Escolar ao 3 de maio.

José Antonio Formoso indica tamén que hoxe faláron co Concello e farían un escolar en Fene o 26 de abril.

Procédese a votar o calendario coas datas solicitadas.

Votos a favor- 21

Votos en contra- 0

Abstencións- 0

#### Triatlón de Menores

Non hai cambios no calendario enviado.

Hai que decidir entre Ferrol e Coruña que propoñen campionato Galego.

Lorena García explica que agosto é moi complicado levar os nenos, é moi tarde e ese mes en xeral é de descanso. Pablo Cabanelas indica que os ordenou así por data. Non obstante Arturo López insiste na petición da proba de A Coruña polo Concello insistindo no interese de que sexa Campionato Galego e considera que Ferrol tería así a última proba do circuíto polo que podería cederlle o Campionato.

Dáselles a opción ao estar presentes ambos organizadores, de chegar a un acordo, se non debe decidir por votación a Asemblea.

José Ramón González- Triatlón Santiago expón que en agosto non debían proporse campionatos relevantes de menores pola Federación. Os nenos deben descansar neste mes para comezar de novo en

setembro. Outros responsables de clubs están totalmente de acordo e coinciden na situación xeral de descanso dos nenos en agosto para comezar en setembro de novo.

Finalmente José Antonio Formoso indica que cambian a data ao 18/19 de xullo e mantén a proposta a Campionato galego.

Na medida en que non se consegue acordo entre os organizadores procédese á votación para decidir o Campionato Galego

Votos a favor de Ferrol- 9  
Votos a favor de Coruña- 6  
Abstencións- 7 abstencións

Procédese á votación do Calendario de Tríatlon de Menores coas datas presentadas

Votos a favor- 21  
Votos en contra- 0  
Abstencións- 0

#### Dúatlon de Estrada.

Confírmase con Lorena García (CT Mar de Vigo) que a súa proba non será de circuito. Indica que ten que ser popular xa que sendo circuito necesitan tres probas e non poden cortar tanto. Mantén a proba de Dúatlon Escolar na mesma data.

Pablo Cabanelas indica que só habería agora mesmo dúas probas presentadas a circuito, propónse posibilidade de que Poio sexa proba de circuito. A proposta sería clasificatorio na proba rápida (tempo de corte, isto sería compatible coa normativa clasificatorio). A proba B sería coma sempre, baixo a norma galega, con clasificación a continuación.

Amando Guerrero considera que debe ser unha inscrición en FETRI e outra en FEGATRI que hai que casar moitas cousas, ao que se lle indica que a proba lenta podería levar a inscrición na FEGATRI co custe que o organizador considerase.

Pablo Cabanelas indica que a cota a pon o organizador e non debe superar os 30 euros establecidos.

Francisco Villanueva indica que o clasificatoria ten un prezo determinado, por prezo non se podería xa que este ano está previsto que a cota de clasificatorio sexa para os clasificatorios de 35 euros.

Francisco Iglesias indica posibilidade de facer clasificatorio e 2 probas de circuito.

Respostaselle a falta de viabilidade neste caso xa que limitase que vaian a clasificatorio galego ou español e precisamente o que se pretendía era que tivesen unha dobre clasificación coa mesma proba os que van á proba rápida.

Na medida en que a proposta no debate non se considera acertada, tentarase buscar por parte da Xunta Directiva algunha proba máis de circuito ou non se podería levar adiante o mesmo ao non ter o mínimo. Procédese a votar as datas e probas presentadas do calendario de dúatlon de estrada pendiente o circuito de novas probas.

Votos a favor- 19  
Votos en contra- 1 Francisco Villanueva  
Abstencións- 1

#### Tríatlon de Estrada.

Fai a presentación Pablo Cabanelas e propóñense 6 probas de circuito.

O GP da Pobra propoñía Cpto Galego, pero por datas non lles é viable por mareas, polo tanto non lles importaría manterse de circuito.

Indícase a incompatibilidade de dúas probas de circuito no mesmo fin de semana na que coinciden maioritariamente.

Francisco Villanueva considera incompatible a coincidencia doutras probas, non só as de circuito. Por exemplo Negreira e Viveiro, xa que non é viable para o organizador, ao que se lle indica que dúas de circuito non deben coincidir pero no volume de probas que nos movemos é imposible que probas populares non coincidan.

Procédese á votación co compromiso de falar con Poio e a Pobra para ver posibilidade de cambio nalgunha das dúas e que a Comisión Delegada o aprobe.

José Riveiro indica que deben falar co Concello respecto á Pobra, ofrecen que se é posible cambiar datas ou sería popular..

Votos a favor- 19  
Votos en contra- 1 Francisco Villanueva  
Abstencións- 1



### Dúatlon Cros

Procédese a votar o calendario enviado con 6 probas, divididas en dúas partes do ano premio inverno-primavera (xaneiro a maio) e premio de outono (novembro e decembro) e o Campionato Galego.

Votos a favor- 16

Votos en contra- 1 Francisco Villanueva

Abstencións- 4

### Circuíto "No Draft"

Procédese a votar cal sería campionato Galego Olímpico sen Drafting.

Luis Piña pregunta se aceptan manter sin ser campionato galego xa que se non perderíase unha proba.

Pablo Cabanelas indica que Boamorte si acepta. Procédese á votación.

Votos a favor Triatlón Atlántico - 6

Votos a favor de Boamorte Sanxenxo- 0

Abstencións- 15

Oscar Silguero-Nosportlimit propón que se promova dende a federación un control antidopaxe, ao azar nun campionato galego. A idea sería que non haxa dopaxe e que se hai dopaxe ao menos os que se dopan teñan medo. Conseguir que este riba da mesa de novo a dopaxe cando menos deixando recollido o feito de que se están valorando actuacións para combatelo pola nosa parte.

Francisco Villanueva indica que se queres que sexa válido, con EPO e resto de parámetros o custe son mínimo catro mil e pico euros e debe delegarse na Axencia Estatal Antidopaxe. Indica que en Galicia non se fixo ningún dende que se aprobou a Lei do Deporte e iso é o que nos corresponde esixir.

O presidente indica que sería unha proposta que lle parece interesante e buscarase información ao respecto poñéndoo en estudo.

### Acuatlón

Preséntanse dúas probas, ambas a Campionato Galego. Procédese á votación entre Poio e Riveira

Votos a favor de Poio - 6

Votos a favor de Riveira- 8

Abstencións- 6

### Circuíto Xacobeo

Preséntase o circuíto Xacobeo, indicando o apoio da Xunta de Galicia para esta tempada a través do Xacobeo 2021 que financia no 2020 as accións de promoción que se están pechando. O circuíto contará con probas nas catro provincias, aproveitando a localización dos distintos camiños . Este ano sería financiación privada/pública a partir deste ano manteríase con patrocinio privado. Premios altos e inscricións gratuítas. As distancias e formatos poderían ser variados e a intención é que sexan probas abertas.

Obxectivo- Repercusión económica positiva para a FEGATRI, que as probas se autofinancien dando servizo de calidade e beneficios ao deportista.

Que en 2021 calquera organizador poida optar a el. Nesta tempada os organizadores serán os Concellos coa FEGATRI.

Oscar Silguero-Nosportlimit pregunta respecto aos oficiais, se conseguirían a suficiente cobertura sen explotalos. Mónica Flores indica que xa está prevista a organización dun curso Nivel 1 para o 11-12 de xaneiro en Santiago ou en Pontevedra, e igual algún máis ao longo da tempada se fose preciso.

Procédese a votar o calendario de probas Xacobeo

Votos a favor- 14

Votos en contra- 0

Abstencións- 7

### 4.- Rogos e Preguntas

O presidente informa de que entrou unha proposta de rogos e preguntas.. Indica que non se pode aceptar por tela recibido fóra do prazo establecido en convocatoria e non se dará resposta á mesma nesta Asemblea.

Levántase a sesión ás 24:35 h.

Asdo.- A Secretaria Xeral  
Mónica Flores Ferreiro

VºBº

Asdo.- O presidente  
Gonzalo Triunfo Delgado.